

AKHBAR : BERITA HARIAN

MUKA SURAT : ONLINE

TARIKH : 19 OGOS 2021

HARI : KHAMIS

SENTIMEN : POSITIF



BERITA SUKAN DUNIA HIBURAN BISNES RENCANA WANITA HUJUNG MINGGU BH KAPSUL

## 40 pemenang terima SSPN-i bernilai RM1 juta

Oleh Nas Norziela Nasbah - Ogos 19, 2021 @ 4:12pm  
bhnews@bh.com.my



Foto hiasan

KUALA LUMPUR: Perbadanan Tabung Pendidikan Tinggi Nasional (PTPTN) menganjurkan Peraduan Dana RM1 juta Harapan bagi memupuk budaya menabung dalam kalangan masyarakat, terutama kanak-kanak untuk jaminan pendidikan masa depan.

PTPTN dalam satu kenyataan hari ini, berkata peraduan dengan kerjasama Dutch Lady Milk Industries Berhad (Dutch Lady) itu adalah sebagai usaha menggalakkan ibu bapa menyediakan tabungan pendidikan anak sejak kecil.

"Selain memilih susu formula dengan nutrisi lengkap untuk si kecil, inisiatif ini juga dapat membantu masyarakat memupuk budaya menabung, terutama bagi tujuan pendidikan masa depan," katanya.

Peraduan yang diadakan pada 5 April hingga 30 Mei lalu itu adalah kolaborasi strategik PTPTN dan Dutch Lady yang juga pengeluar susu lembu serta produk tenusu negara.

Hadiyah yang disediakan berjumlah RM1 juta dalam bentuk akaun Skim Simpanan Pendidikan Nasional (SSPN-i).

"Setiap pemenang menerima RM25,000 membabitkan 40 pemenang. Nilai hadiah yang ditawarkan adalah tajaan sepenuhnya oleh Dutch Lady.

"Dalam usaha untuk menjadi peneraju tabung pendidikan tinggi negara, PTPTN sentiasa mengalu-alukan pembabitan agensi kerajaan dan syarikat korporat untuk menjadikan SSPN-i sebagai pilihan utama sebagai pemberian hadiah, insentif atau sumbangan membabitkan program, anugerah, kempen dan peraduan.

"SSPN-i adalah produk simpanan terbaik menawarkan keistimewaan seperti manfaat pelepasan cukai taksiran, dividen kompetitif, perlindungan takaful percuma, simpanan dijamin kerajaan dan skim patuh syariah," katanya.

Senarai pemenang Peraduan Dana RM1 juta Harapan boleh diperoleh melalui laman sesawang <https://www.smartmoments.com.my/ms/dana-sejuta-harapan/> atau

semakan wang tunai yang dimenangi di penyata SSPN-i melalui Portal Rasmi PTPTN di [www.ptptn.gov.my](http://www.ptptn.gov.my).

<https://www.bharian.com.my/berita/nasional/2021/08/853315/40-pemenang-terima-sspn-i-bernilai-rm1-juta>